

Evening Dogri (NSD) Bulletin 03-09-2024

1 प्रधानमंत्री नरेंद्र मोदी होर अपने ब्रुनेई ते सिंगापुर दी दऊं देशें दी जात्तरा दे पैहले चरण च अज्ज दपैहरी मगरा बंदर सेरी बेगवान पुज्जी गो।

2 केंद्री विदेश मामले दे मंत्री डॉत्र एस जयशंकर होरें आखेआ जे भारत सिंगापुर दपक्खी रिश्ते गी अगले दर्जे तोड़ी लेई जाने दा समां आई गेआ ऐ।

3 केंद्री मंत्रीमंडल नै प्रधानमंत्री आवास योजना गी लागू कराने गित्तै होरनें 5एं बरें लेई अगड़ा बदाने दा फैसला लैता ऐ।

4 छत्तीसगढ़ च सुरक्षा बलें कन्ने लग्गे दे टाक्करे च 9 माओवादी मारी-मकाए गे न।

5. 2024 पेरिस पैरालंपिक्स च भारतीय पैरा एथलीट नशानेबाजी, तीरंदाजी ते होरनें मकाबलें च अपना दमखम दस्सने गित्तै मकाबले खेडडन।



PM-Visit

प्रधानमंत्री नरेंद्र मोदी ब्रुनेई ते सिंगपुर दी अपनी जात्तरा दे पैहले मरहले च अज्ज ब्रुनेई दे बंदर सेरी बेगवान पुज्जे। ब्रुनेई अंतरराष्ट्री ब्हाई अड्डे पर उत्थूं दे युवराज हाजी अल मुहतादी बिल्लाह नै उंदा सुआगत कीता। कुसै भारतीय प्रधानमंत्री दी ब्रुनेई दी एहू पैहली जात्तरा ऐ। मोदी हुंदी एहू जात्तरा भारत ते ब्रुनेई बश्कार राजनयिक सरबंधें दी 40मीं बरे गंड दे सिलसिले च होआ रदी ऐ। एहूदे शा पैहले अज्ज बड्डुलै नमीं दिल्ली थमां रवाना होने कोला पैहले प्रधानमंत्री नरेंद्र मोदी होरें इस गल्लै दा भरोसा जताया जे उंदी इस जात्तरा कन्नै दौनें मुलखें ते आसियान मुलखें कन्नै भारत दे सरबंध ते सांझ भ्याली होर निगगर होग। उनें आखेआ जे दवै मुलख भारत दी एकट ईस्ट पालसी ते इंडो पैसिफिक आले नजरिए दे महत्वपूर्ण भ्याल ना। मोदी होरें आखेआ कीजे भारत ते ब्रुनेई अपने राजनयिक सरबंधें दी 40मीं बरे गंड मना करदे न, इस लेई ओहू सुल्तान हाजी हसनल बोल किया ते शाही परिवार दे होरनें मानजोग सदस्यें कन्नै मलाटी लेई बेसब्री

कन्ने बलगा रदे ना। उनें आखेआ जे उनें राष्ट्रपति थर्मन शान मुगर्तनाम, प्रधानमंत्री लारेंस वांग, वरिष्ठ मंत्री Lee Hsien Loong ते Emeritus वरिष्ठ मंत्री Goh chok Tong हुंदे नै मलाटी दी हीक्खी लाई दी ऐ। मोदी होरें आखेआ जे ओह सिंगापुर कन्ने विशेष रूपै नै अज्जै-कल्लै दे हिसाबें निर्माण, डिजिटीकरण ते टिकाऊ विकास दे नमें ते उभरदे क्षेत्रें च रणनीतिक भागीदारी गी मजबूत करने पर चर्चा लेई उत्सुक ना।

<><><><><><>

Jaishankar-Singapore

विदेश मंत्री डॉ. एस जयशंकर होरें आखेआ ऐ कि भारत ते सिंगापुर दे दपक्खी सरबंधें गी अगले दर्जे तोड़ी लेई जाने दा समा आई गेदा ऐ। प्रधानमंत्री नरेंद्र मोदी हुंदी सिंगापुर जात्तरा कोला पैहले इक इंटरव्यू च डॉ. जयशंकर होरें आखेआ जे दौनें मुलखें दे सरबंध पिछले दऊं दहाकें थमां मते निग्गर रेय ना। विदेश मंत्री होरें आखेआ जे दपक्खी सरबंधें दे अलावा मजूदा समें दे इक्क “अस्थिर ते यक्कोतक्की” आले कुल संसारी माहौल च

दौनें मुलखें बशकार बड़ा मता नेड़मा सहयोग बने दा रेया ऐ। उनें आखेआ जे भारत ते सिंगापुर दौनें दा मनना ऐ जे इंदे आपूं च दे सरबंध इक दुएं पर साह भरोसे ते आपसी समझ पर टिकी दी इक सांझेदारी ऐ। तोआई सिंगापुर च भारतीय उच्चायुक्त डॉ. शिल्पक अंबुले होरें आखेआ जे भारत ते सिंगापुर नमें उभरदे क्षेत्रें गी बढ़ावा देने लेई सरबंधें गी होर तगड़ा बना करदे ना।

<><><><><><>

President-Education

राश्ट्रपति द्रोपदी मुर्मू होरें आखेआ ऐ जे सब्बनें तालीमी इदारें गी बच्चिएं लेई इक सुरक्षित माहौल यकीनी बनाना लोड़चदा कीजे ओहू देसै दे विकास दा अनत्रुट्ट हिस्सा ना। एहू गल्ल राश्ट्रपति मुर्मू होरें अज्ज पुणे च सिम्बिओसिस युनिवर्सिटी दे 21में दीक्षांत समारोह दे मौके पर आक्खी। उनें महिलाएं ते मर्दे बशकार बरोबर पर जोर दिंदे होई आखेआ जे इस युनिवर्सिटी आस्सेया सामे ते पूरे पराते विकास लेई कीते गेदे हीले सराहनेजोग ना। अनें आखेआ जे सुन्ने दा तगमा हासल करने आले

11 विद्यार्थिं चा 8एं दा महिला होना युनिवर्सिटी आस्सेया इत्त भेठा कीते गेदे जत्तें गी दर्शांदा ऐ।

<><><><><><>

Labour-PMAY

श्रम ते रोजगार मंत्रालय नै प्रधानमंत्री आवास योजना दे लाहू वंचित कम्मगारें गी देने, इसी होर अगगे बदाने दा फैसला कीता ऐ। इस सरबंध च मंत्रालय नै सब्बनें राज्य सरकार गी पत्र जारी कीता ऐ जेदे च प्रवासी मजदूरें, ईमारतें दा निर्माण करने आहले मजदूरें सने गैर कोयला खदान मजूरें ते होर दुए असंगठित श्रमिकें गी शामिल करने दा आग्रह कीता ऐ। एहू निर्णय केंद्री मंत्रीमंडल आस्सेया प्रधानमंत्री आवास योजना दे अमल आवरी गी माली बरे 2024-25 थमां 2028-29 तगर बाद्दे 5 बरे लेई बदाने दी मंजूरी दे मद्देनजर लैता गेआ ऐ। एहदा उद्देश्य योग्य लाभार्थियें गी दो करोड़ बाद्दू घर उपलब्ध कराना ऐ। एहू पैहलकदमी आर्थिक तौरा उप्पर कमजोर मजदूरें गी आवास दी सुविधा देने च मदाद दिंदी ऐ।

ऑल इंडिया नेशनल कैडेट कोर थल 12 ध्याड़े दा सैनिक शिविर ला'रदा ऐे जिस च कोई 1 ज्हार 547 कैडेट हिस्सा लैडन। एह शिविर खासतौरा पर आर्मी विंग्स कैडेट्स लेई शुरू कीता गया जिस राएं सिखलाई ते होरनें चीजें उप्पर ध्यान दित्ता जागा।

<><><><><><><>

Gadkari-Tunnel

शिड़क यातायात ते जरनैली शिड़क मंत्री नितिन गडकरी होरें आखेआ जे शिड़कें पर नागरिकें दी सुरक्षा सब्बनें शा उच्चै प्राथमिकता ऐे। अज्ज नमीं दिल्ली च टनलिंग इंडिया दे दुए संस्करण गी संबोधित करदे होई गडकरी होरें बरखा, पस्सिंयं पौने ते हाड़ दे मद्देनजर शिड़कें दे प्रभावी स्थाई हल दी जरूरतै पर बल दित्ता। मंत्री होरें इब्बी आखेआ जे सरकार देश गी 5 ट्रिलियन डालर दी अर्थ बवस्था बनाने लेई कमम करा रदी ऐे। उनें परियोजनाएं दी सफलता लेई टेक्नोलॉजी, कच्चे माल दी उपलब्धता ते तैयार उत्पाद गी बजार उपलब्ध कराने उप्पर जोर भरेया। सीमा सड़क संगठन दे महानिदेशक लेफ्टिनेंट जनरल रघु

श्रीनिवासन होरें आखेआ जे भारत च सुरंग बनाने दी बड़ी गै संभावना ना। उनें आखेआ जे सुरंग दे कई महत्वपूर्ण लाहू न जिंदे च हर मौसम च राबता प्रदान करना, यूरिये गी घट्ट करना ते भुगौलिक रूपै नै नाजुक ते जलवायु दे नजरिये नै चुनौतीपूर्ण क्षेत्रें थमां लंग्गने दी क्षमता शामिल ना। कांफ्रेंस गी संबोधित करदे होई गडकरी होरें भारत च अज्जै-कल्लै स्हाबै टनलें सरबंधी FICCI CRISIL ज्ञान आहली रिपोर्ट बी जारी कीती।

<><><><><><><><>

Telangana-Rains

तेलंगाना दे मुख्मन्त्री ए. रेवंथ रेड्डी होरें अज्ज लगातार दुए ध्याडे बी हाड प्रभावित खम्म जिले दा दौरा लाया। उनें ओक्कडे परोआरें कन्नै मुलाकात कीती जिनें बरखें करी अपने परोआर जनें गी मुहाई दित्ता। तेलंगाना च राज्य दे कई हिस्सें च होई दी लगातार बरखें करी 16 लोकें दी मौत होई गई। हैदराबाद ते विजयवाडा बश्कार राश्ट्रीय जरनैली शिडक उप्पर गड्डियें दी आओजाई बहाल करी दित्ती गई ऐ। दक्खुआन मध्य रेलवे नै

सिकंदराबाद ते विजयवाड़ाउथमां 480 कोला बी मतियें रेल गड्डियें गी रद्द या फही अद्दे दुब्बे तौरा पर रद्द करी दित्ता ऐ। राज्य दे मंत्री ते वरिष्ठ अधिकारी क्षेत्र च चला रदे राहत गतिविधियें दी निगरानी करा रदे ना। मौसम विभाग नै चेतावनी दित्ती ऐ जे बंगाल दी खाड़ी च चक्रवात बनने करी किश दिनें तोड़ी बरखा होने दी मेद ऐ।

<><><><><><><>

CBSE-School

केंद्री माध्यमिक शिक्षा बोर्ड नै अज्ज राजस्थान ते दिल्ली दे कोई 27 स्कूलें च चानचक्क दौरा लाया। एहदे नै एहू यकीनी कीता जाग जे स्कूल बोर्ड दे तय कीते गेदे मानदंडें ते नियम कायदें दा सखती नै पालमा कीती जा'रदी ऐ जां नेई। 27 टीमें एहू जायजा लैता। सीबीएसई नै इक बयान च आखेआ जे जायजें दे नतीजें दी व्यापक समीक्षा कीती जाग ते जेडे स्कूल इंदी पालमा नेई करा रदे न उंदे पर जायज कार्रवाई कीती जाग। सीबीएसई नै आखेआ जे शिक्षा च उच्च मानक बनाए रखने लेई सब्बै सरबंधित स्कूल दिशा-निर्देशें दा सखती नै पालन करना।

<><><><><><>

Paralympics

भारतीय पैरा एथलीट बक्ख-बक्ख मकाबलें च अपना दमखम 6में रोज बी दस्सने गितै खेडडन। इनें मकाबलें च नशानेबाजी, तीरंदाजी ते होरनें खेड्डां शामिल ना। पैरा निशानेबाजी च मोना अग्रवाल ते अक्कि लेखरा होर महिलाएं दे 50 मीटर राइफल, 3 positions SH-1 नशानेबाजी च मकाबले दे फाइनल राउंड च हिस्सा लैडन। पैरा तीरंदाजी च तीरंदाज पूजा होर महिलाएं दे recurve मकाबले च हिस्सा लैंगन। पैरा एथलेटिक्स च भारत दी भाग्यश्री होरें महिलाएं दे shotput F-34 फाइनल च 5मीं थाहर हासिल कीती। दीप्ती जीनान जी होर महिलाएं दी 400 एम टी-20 फाइनल मकाबले च खेडंगन। तोआई मर्दे दी हाई जंप दे टी-63 फाइनल मकाबले च Mariyappan Thangavavelu, Sharad Kumar शैलेश कुमार होर मकाबले च उतरंगन। नेजा सुट्टने दे F-46 फाइनल दे मर्दे दे मकाबले च जीत सिंह, रिंकू ते सुंदर सिंह होर मकाबले च

उतरंगन। तगमे हासल करने गितै भारत 15 तगमे जिस च त्रै
सुन्ने दे तगमे शामिल न, 15मीं थाहर पर बने दा ऐ।

<><><><><><>

World Bank

विश्व बैंक नै माली बरे 2024-25 लेई भारत दी विकास दर
पैहले दी पेशनगोई गी 6.6 फीसद कोला बदिये 7 फीसद करी
दित्ता ऐ। अंतरराष्ट्रीय माली संस्थान नै आखेआ जे देश दी
आर्थिक वृद्धि निजी खपत ते निवेश जनेई मुख वजहें करी
मध्यम अवधि च ममजबूत बनी रौहग। अंतरराष्ट्रीय मुद्रा कोष
नै बी मेदें भरोचे दा नजरिया व्यक्त करदे होई माली बरे 2024-
25 लेई भारत दे सकल घरेलू उत्पाद लेई विकास पूर्वानुमान अंके
थमां बदाइयै 7 फीसद करी दित्ता ऐ। आंकड़ें ते कार्जक्रम लागू
करने सरबंधी मंत्रालय दे आंकड़े मताबक त्रुं म्हीनें दे तखमीना
च भारत दी सकल घरेलू उत्पाद वृद्धि दर माली बरे 2024-25
दी पैहली तिमाही च 6 अशारिया 7 फीसद आंकी गई ही।

<><><><><><>

Day-IMD

भारतीय मौसम विभाग नै अज्ज गुजरात च भारी बरखें ते पच्छमी मध्य प्रदेश च मती गै भारी बरखें दी पेशनगोई कीती ऐ। मौसम एजेंसी नै कल तोड़ी असम, मेघालय, नागालैंड, मणिपुर, मिजोरम, त्रिपुरा, केरल, माहे ते पच्छमी उत्तर प्रदेश च कुते-कुते भारी बरखें दी पेशनगोई कीती गेई ऐ। आकाशवाणी समाचार कन्नै गल्ल करदे होई मौसम विभाग दे साईसदान सोमा सेन होरें आखेआ जे गुजरात लेई रेड अलर्ट ते आंध्र प्रदेश लेई ओरेंज अलर्ट चेतावनी जारी कीती गेई ऐ।

<><><><><><>

Cabinet-Security

केन्द्रीय मंत्रिमंडल दी सुरक्षा मामले दी समिति नै भारतीय वायु सेना दे एसयू-30 एमकेआई जहाजें आस्तै 240 एयरो इंजनों दी खरीद दे प्रस्ताहू गी मंजूरी देई दिती ऐ। इस मसौदे गी हिंदुस्तान एयरोनाटिक्स लिमिटेड थमां सब्बने करें समेत 26 ज्हार करोड़ रुपें दी लागत भारतीय सूचि च बाय इंडियन श्रेणी च मंजूरी

दिल्ली गई ऐ। रक्षा मंत्रालय ने आखेआ ऐ जे इनें एयरो इंजनें गी
सोंपने दा कम्म 1 ब'रे मगरा शुरू होग ते इसी 8एं ब'रें च पूरा
करी लैता जाग। एहू इंजन 54 फीसद स्वदेशी सामग्री कन्नै बने दे
न ते इंदा निर्माण हिंदुस्तान एयरोनाटिक्स लिमिटेड दे कोरापुट
प्रभाग च कीता जाग।

<><><><><><>